

I. N. J.

DISSE^TAT^O PHIL^OSOPH^IC^A

DE

U S U
M U S I C E S
M O R A L I ,

QUAM,

Conf. Ampl. Facult. Phil. in Reg. ad Auram Academia

Sub Praesidio

MAG. JOHANNIS
BILMARK ,

HISTOR. & PHIL. PRACT. PROF. REG. & ORD.

Publicæ bonorum censuræ submittit

JOHANNES HENR. MECHELIN ,
WIBURGENSIS.

Die XIV. DECEMB. Anni MDCCLXIII.

L. H. Q. A. M. C.

A B O Æ ,

Impressit JOH. CHRISTOPH. FRENCKELL.

Admodum Reverendo atque Praeclarissimo
Dn. Mag. ABRAHAMO POPPIO,
Ecclesiae, quæ Deo in Joris congregatur, Pastori & Praeposito meritissimo.

Plurimum Reverendo atque Praeclarissimo
Dn. Mag. HENRICO POPPIO,
Ecclesiae, quæ Deo in Jockas co. igitur, Pastori vigilantissimo.

Plurimum Reverendo atque Clarissimo
Dn. LAURENTIO POPPIO,
Concionatori Castrorum Legions Savolaxiensis laudatissimo.

AVUNCULIS CARISSIMIS.

Quemadmodum ingrato nullum gravius pondus gerit telus; ita ingenuus quisque nihil magis desiderat, quam per benefactoribus suis quavis data occasione gratum probet animum. Is ego sum, Avunculi Cariissimi, qui a Vobis plurimis ornatus sum beneficiis; gratias Vobis agere hactenus, ut volui, non potui, referre vero ne in posterum quidem mihi licebit. Ne tamen officio meo prorsus desuisse videar, in pignus observantiae certissimum prima hæcce studiorum meorum germina, quantumvis immatura, Vobis, Avunculi Honoratissimi, cernuus offero. Quæ si placida excipiatis fronte, habeo, de quo in sinu impense mihi gratuler, spem foyens certissimam, Vos quoque favorem Vestrum perennaturum jussuros. De cetero ut omnia ex votis Vobis succedant, ex intimo pectori voveo, permanfurus

AVUNCULORUM CARISSIMORUM

cultor humillimus
JOH. HENR. MECHELIN.

Commissions - Landmätaren.

Ådel. Och. Högaktad.

Herr. ERIC. JOH. HAMMARIN.

MIN. GUNSTIGE. SVÄGER.

Beständig. Ömhet. För. Min. Välfärd.
Samt.

Öförmadadt. Antal. Af. Stora. Välgärningar.
Hafva. Redan. I. Mitt. Sinne,
Gjordt. Eder.
Min. Gunstige. Sväger.
Berättigad.

Til. All. Högakning. Och. Tacksamhet.
J. Ägen. Dem. Bägge.
Uti. Högre. Grad.
Än. J. Kunnen. Afmäta.
Och. Jag. Förmår. Beskrifta.
Til. Et. Litet. Vedermåle. Häraf.
Upoffras. Eder. Närvarande. Snilleprof.
Frukten. Af. Edor. Godhet.

Och. Förftlingen. Af. Mina. Academiska. Arbeten.
Gåtvans. Ringhet. Förbättras.
Genom. Gifvarens. Välmening.
Som.

Under. Tilönskan. Af. All. Sällhet.
Med. Upriktigaste. Vänskap. Förblifver,

MIN. GUNSTIGE. SVÄGERS,

Ödmjuke. Tjenare.

JOH. HENR. MECHELIN.

Per quam Reverendo atque Doctissimo
Dn. JOHANNI MECHELIN,

Sacellino in jocas meritissimo,

PARENTI INDULGENTISSIMO.

Fruor equidem opportuna satis & diu experita occasione,
qua innumera Tua, Patens Optime, in me beneficia
celebrare mihi liceat; verum tantus eorum est numerus, tan-
taque præstantia, ut muneri suo rite vacare tenuis, qualis
mea est, Minerva minime valeat. Ego certe si id præsume-
rem, Tua in me merita jejuna dicendi ratione obscurarem ma-
gis, quam illustrarem. Pauca tamen dicam, ne malefano silentio
degener atque ingratus judicer filius. Tibi igitur, Mi Pa-
ter, non solum acceptum refero, quod vivam, sed etiam
Tuis curis atq; Tuæ institutioni debo, quos in litteris & sci-
entiis fecerim progressus. Tu quoque, pro ea, qua me
tenere amplectaris, benevolentia, nullis pepercisti sumti-
bus, ut asperam sapientiae viam planam mihi reideres at-
que facilem. Quod vero pro tot tantisque beneficiis re-
pendam, cum nihil habeam, studiorum meorum primicias,
exiguas illas quidem & immaturas, in pignus nunquam in-
termoritura pietatis, Tibi jam offero, quas ut benigna ex-
cipias fronte, enixe oro atque contendeo. Mihi præterea ni-
hil prius erit, antiquius nihil, quam Supremum Numen ca-
lidissimis fatigare precibus, velit vergentem Tuam, Pa-
rens Indulgentissime, senectutem benigne suffulcire, Teque
Sospitem atque incolorem quam diutissime nobis conservare!
Ero, dum vixero

PARENTIS INDULGENTISSIMI

M. J. H. filius obedientissimus
JOH. HENR. MECHELIN.



*Omne tulit punctum, qui miscuit utile dulci,
Lectorem delectando, pariterque monendo.* HORATIUS.

§. I.

Hospitatur anima nostra, Princeps illa microcosmi, in corpore humano, tanquam in apparatissimo quodam palatio, atque ex solii fastigio res quasvis obvias contemplatur, nec non omnes, ad se venientes, ministerio satellitum atriensium, sensuum puta, facilis admittit, sive voluptatem ipsi pariant, sive, quod interdum contingit, tedium illi adferant. Quamvis vero singulorum hospitum praesentia anima nostra commoveatur, ceteris tamen magis ipsam adficere solent, qui per oculos atque aures intromittuntur. Illi forma sua atque coloribus vel placent nobis vel etiam displicant; hi autem gestibus, ut ita dicam, partim tripudiantibus, partim vero placidis & tantum non languidis Principis hujus gratiam sibi
honestia beatae anniversarii mei anno secundum con-

conciliare operose nituntur. Ne autem prolixiori verborum ambage lectors nostros teneamus suspensos, statim est indicandum, quod per advenas, ultimo loco nominatos, Tonos intelligamus; qui, ut observationes docent, oriuntur, quoties corpora, elatere prædicta, in libero aëre percutiuntur, ut motus particularum (*a*) corporis percussi & oscillantis certos tremores moleculis aëreis imprimat, quæ confestim inter se officiose quasi amulantur, ut easdem mutationes per aures ad animam deferant, atque sensationes quasdam in nobis excitent, quæ nullo alio modo magis, quam continua sua varietate animæ nostræ sese commendant. Scilicet ea est mentis nostræ indoles, ut eximiam habitura delectationem, perceptiones desideret & simplices, quippe quæ nullas ipsi creant molestias, & simul diversas, siquidem quæ eodem diu modo ipsam adficiunt, fastidium tandem pariunt. Utraque ratione nos delectat gratissima Musica, disciplina illa, quæ in sonis apte excitandis & rite temperandis occupata est (*b*). Hujus vim in movendis hominum

(*a*) Oritur sonus non tam ex oscillationibus illis majoribus, quæ in corporibus sonoris facile distingui possunt, quam potius ex motu quodam tremulo particularum minimarum, ceu pridem observavit *Cel. CARRE* vid. *L' Histoire de l' Academie Roy. des Sciences pour l' année 1704.* p. m. 109. (*b*) Musica laxa adeo pomceria quidam veterum statuerunt, ut omnium rerum harmoniam seu rationem suo comprehendenderet ambitu. Hinc Pythagorai, qui ad rationes harmonicas omnia exigebant docuerunt, quod Musicâ

num animis plane insignem cum perpendarent veteres, quibus arcana sua nondum detexerat natura, in animum facile induxerunt suum, tanti moliminius opus non inchoari, nedum perfici posse, nisi beneficæ quædam Divæ genus humanum præstantem adeo artem docuissent (c). Licet autem in hanc ire sententiam nemo sobrius queat; juvat tamen paucis ostendere, quantum ad mores formandos Musica conducat. A Te vero, C. L. enixe petimus, ut siquidem dissona quædam in opella nostra animadvertis, hos industriæ defectus pro ea, qua esse soles, humanitate mitiori perstringas censura. Nunquam enim nobis fistula fuit, septem disparibus cicutis compacta; quare in pretio semper posuimus, si agresti calamo artis hujus peritos Magistros longe imitaremur.

§. II.

Originem vocum indagaturis tot plerumque sententiarum divortia occurunt, atque diversas adeo conjecturas ipsi animadvertisunt, ut incerti non raro hæreant, quænam opinio alteri sit præferenda. Idem etiam nobis, natales voces musices investigaturis, jam contingit. Musicam derivari a MUSIS, illis artium, ut veteres sunt fabulati, inventricibus, omnium ferme Lexicographorum, quin & Criticorum exigit consensus; quemadmodum

consensus rerum & universi Aristocratæ continantur, vid. STANLEJI Histor. Philosoph. p. m. 731. (c) Vid. Epigram. ALLESONII Eidyll. 20.

dum id post alios multos SUIDAS, PEROTTUS,
Joh. Pierius VALERIANUS, & quot non alii, pro evi-
-cto habent. Nostra vero sententia vocabulum Mu-
-sices commode magis deduci potest ab Hebræa vo-
-ee מוסֵה vel רְבָנִים, quæ disciplinam quamlibet &
-doctrinam, in primis autem Ethicam, quæ de mo-
-ribus agit, denotat (a). Quod Græcorum quoque &
-Latinorum Auctorum usus confirmat, qui musarum
vocabulo quamlibet earum artium ac disciplina-
rum, ex quibus celebratissima illa veteribus ἀνακλα-
-ωσις absolvebatur, designarunt (b). Quibus acce-
dit, quod nomini haud incepit respondeat omen, ceu
paulo post pluribus erimus ostensuri.

§. III.

Definivimus antea Musicam, ut ab aliis dis-
seplinis haud difficulter distingvi possit; attamen ut
indoles atque natura ejusdem plenius cognoscatur,
requiritur, ut illius nunc tradamus descriptionem.

Ar-

(a) Confr. *Dan. HEINSIUM* in *Exercitationibus suis ad Nonnum*, quas *Aristarchum Sacrum* inscripsit. (b) Hinc Aristophanis Scholiastes ad versum quendam in *EQUITUM COMEDIA*: Οὐ μητέ τοι ἐκκινήσαι παρδίαν Φύσι, i. e. Quod Mu-
-sicen dicit orhem disciplinarum. Sic *FANNIUS*, Poëta ve-
-tus, carmine, quod de ponderibns nobis reliquit, Mu-
-sam Mechanicam dixit, & alibi, quum de *Arithmetica* in-
-telligeret, cecinit:

Ut docui tenui scribens in pulvere Musa.

Adde, si placet, *Aug. BUCHNERUM* in *Oration. Academ.* Vol.
II, *Orat. II. de imaginibus*, p. m, 101.

Arduum maxime est, quod sic molimur opus, &
 facilius forte foret, singulas figuræ, quas æstuans
 adsumit Euripus, delineare, quam diversos admo-
 dum habitus & variæ sensationes, quas toni ani-
 mæ nostræ insinuant, rite proponere; præfertim
 cum eadem, qua oriuntur, levitate dispareant, &
 intra tempusculum unius M' plura millia oscilla-
 tionum sonoriferarum, quæ tamen omnes pro ea,
 qua aures nostræ laborant hebetudine, plene discerni
 nequeunt, membranam tympani auricularis seorsim
 commoveant. Has vero singulas mutationes cum
 rite exponere exigua, qualis nostra est, industria
 non valeat, theatrum tamen admirabilium sono-
 rum per transennam quasi lustrabimus. Faveas i-
 gitur, Lector, animo & ore. Expedit namque hoc
 sibi silentium gratissima musica. Heus itaque, O!
 Bone, quatuor modo voces audiuntur, & una ta-
 men loquitur; quatuor modo loquuntur, & una so-
 lum auditur: quatuor canunt, & tamen concin-
 nunt. Dic, quæso fodes, quale hoc artis myste-
 rium; si quatuor voces canunt, unde idem con-
 cinnunt. Si porro idem est concentus, unde idem
 gravis & levis, depresso & subtilis, acutus & ob-
 tutus? Unde idem attollitur atque deprimitur, mo-
 do assurgit, modo rursus descendit, emergit ab i-
 mo atque declinat a summo? Hæc scilicet, quæ
 adeo paradoxa censentur, præstat Musica, contra-
 riarum vocum concordia, dissidentium tonorum
 amicitia, gravium & levium suavis societas, plu-
 rimum unitas, omnium harmonia. Quatuor sunt so-

ni, dum a corpore sonoro quasi ejaculantur, quatuor dum aërem commovent, quatuor adhuc dum atria subeunt auricularia; mox autem sese amplectuntur, in unum coēunt, atque in unam coalescent vocem. Ingeniosa admodum hæc est pugna; in qua si hostes species divisos, nihil infensius, si conjunctos, nihil amicius. Infensi autem hostes in initio pugnæ vires suas pugnando ita attemperant, ut nullus occumbat, nedum intereat; miscentur, nec confunduntur, unus atque plures, amici & contrarii. Immo idecirco unus ex pluribus nascitur quia plures pugnavent; idecirco consentiunt, quia modo dissenserant, pax ex pugna, ex lite concordia, ex pluribus unitas, atque ex omnibus mirabilis exsurgit Musica. Miraris factum, finem forte quæris? Hic autem non aliis est, ut paucis multa complectar, quam ut res communicandæ syrmate gratiiori quasi circumducantur & vestiantur, ut in auditorum auribus cordibusque expressior & emphatica magis earum oriatur acceptatio. Quod quidem eo usque valere fida docet experientia, ut, qui teretibus pollet auribus Musicesque peritus est, sententiam suam adcurate satis ferre possit de eo, quid soni mirifice subacti circa rem designatam & variis modis distinctam evolvere atque explicare poterint. Quid? Quod non solum cogitata quædam atque desideria aliis per tonos aperire valeant, qui fidibus scienter canere didicerunt, sed sicut affectuum nostrorum quidam vehementes sunt, alii vero languidi, hos tam diversos habitus apte adeo

adeo mentitur Musica, ut eodem quoque affectus in auditoribus non raro exciteat.

§. IV.

Cum veteres perpenderent, quod Musicæ, pro diversa hujus ratione, diversa quoque vis esset; varias ejusdem species constituerunt, quarum quælibet hominis animum diverso afficere modo censemebatur. Sic modus DORIUS ex illorum opinione multum contulit ad gravitatem, modestiam & pudicitiam servandam(a). PHRYGIUS homines ad pugnam excitabat, atque ita illos commovebat, ut imminentia obliviscerentur pericula. ÆOLIUS vero turbinis animi dissipare atque gratam impertire tranquillitatem credebatur; a quo parum, ut videtur, discrepabat LYDIUS, qui curas minuebat & flevit etatione mentem adficiebat(b).

§. V.

Cum egregia multa in Ethica proponuntur, tum late admodum ea patere censenda sunt, quæ de

(a) Quocirca memoriaz produnt scriptores, quod AGAMEMNON, ad bellum Trojanum profecturus, Musicum quendam Dorium domi reliquerit, scilicet ut gravi sua seversaque Musica uxorem Clytemnestram in pudicitia conservaret. Neque illa ab Ægyptio, priusquam sublatus erat Musicus, vitiari potuit. Sequentibus seculis minus consultum visum fuit, salaci mulieri talem castimoniæ custodem relinquere; facile enim Musicus Ægyptum induere posset.

(b) Vid. CASSIODOR, Variar. Libr. II. Epistol. 49.

de affectibus præcipiuntur. Sunt autem affectus commotiones voluntatis, vel appetitus & aversationes, ex representatione boni aut mali ortæ, atq; cum motu sanguinis & fluoris nervosi extraordinario conjunctæ. In his autem varios distinguimus gradus, quos *pensionem, consensum & impetum* quidam non male constituunt. Sicut autem diversi in aliis aliisque hominibus dominantur affectus; ita moralitatem eorum exposituri Eruditæ, in diversas plane sententias abeunt. Neminem, nisi idem in Historia Litteraria admodum hospes fuerit, fugit, quod Stoici affectus omnes penitus extirpandos censuerint, hominem *ad DEI imaginem proxime accessum*, pertinaciter urgentes. Sicut vero his libenter damus, quod affectus diversis plane modis se exferant, quamobrem etiam quosdam benignos alios vero malos nuncuparunt Philosophi; ita quoque concedendum, quod cum affectus vel appetitum boni vel mali fugam in nobis excitent, in se considerati, pravi omnino non sint. Esto, quod post corruptam mortalium conditionem affectus ingentem subierint mutationem, atque rigidi adeo evaserint, ut præceptis rationis non semper pareant, sed eadem contumaciter nonnunquam rejiciant; tanta tamen eorum non est pervicacia, ut, si principiis modo resistamus, ad officium reduci nequeant, quin potius nostris egregie inserviant commodis, nec non ad virtutes partim nos deducant, partim quoque eximum hisce non raro addant fulgorem (a). Car-

(a) Bene igitur LACTANTIUS *Divinar. Infirmi. Libr.*

Caro igitur Ethicæ in eo etiam vertitur, ut quosdam horum opportune excitemus, eisdemque magis, quam ampullis verborum, erectam atque ingenuam animæ nostræ indolem aliis simpliciter monstramus; quosdam autem, impotentiae humanæ indices, ita subigamus, ut, quæ nos maxime decet, constantiam semper conservemus. Uni alterive virtuti, quæ modo dicta sunt, applicemus, ut sic constet, quantum pretium affectibus nostris in moralibus sit statuendum. Qui pietatem profitentur, ad solium Majestatis Divinæ eadem ratione singuli non accedunt. Alii enim, quamvis sedulas ad DEUM fundant preces, atque illum secundum rigidæ disciplinæ regulas externe colant, nullas tamen in visceribus suis sentiunt commotiones, nec preeibus levantur aut corroborantur. Alii autem sive veniam commissorum peccatorum precaturi, sive pro acceptis beneficiis gratias acturi, in Divinos quasi amplexus venerabundi sese conjiciunt, quæque nec animus eorum capere, nec lingua sati eloqui potest, desideria, tumida cordis penetratia abunde indicant, ex lumine Majestatis Divinæ scintillulas attrahentia & colligentia, quibus mens eorum ita collustratur, ut nutum benignissimi Nu-

B

mi-

VI. Cap. V. Adfectus sunt velut ubertas naturalis animorum, ad quam cum verus cultor accesserit, statim, cedentibus vitiis, fruges virtutis oriuntur. DEUS itaque cum hominem primum fingeret, mirabili providentia ingeneravit ei prius istas commotiones, ut capere posset virtutem. Hactenus Christianus ille Cicero. Quocirca adfectus ab antiquis Philosophis dicti sunt ardores animorum cotesque virtutum.

minis, priusquam placide acquiescat, coram veluticonspiciat. Quod hæc DEUM colendi ratio sit illa longe præstantior, dubitaturum speramus neminem, & tamen differentia pæne omnis a sobrio affectuum usu est derivanda. Si porro beneficium in quempiam conferamus, atque simul & os & oculi & integra facies eximia micent facilitate, nec non homagium, quod virtuti pressæ debemus, clare indicent, gestibus his & tenui stipendio magis, quam lautiori ab alio machinaliter concesso, se adjutum censebit fortuna offensus. Ex quibus igitur liquido patet, quod qui decantatissimam illam *artem* in scenam iterum produceret, id ageret, ut ipsi naturæ vim inferret, stimulosque omnes præclararum actionum penitus sufflaminaret atque tolleret.

§. VI.

Cum igitur affectuum nostrorum in se consideratorum atque rationis imperio, ceu par est, subjectorum, tam eximia sit præstantia, disciplina quælibet, quæ alios excitandi alios autem regendi modum ostendit, instar beneficæ magistræ est habenda. Hunc sibi finem in primis propositum habet Ethica, ut indicavimus, atque ita homines ad virtutis & notitiam & sensum perducit. Compertum autem fuit, quod alma huic disciplinæ adjutrices quasi manus subinde præbuerit Musica; quippe quæ modo torporem excutit, vigoremque animo reddit, modo rursus & stuantes nimium commotiones comprimit, nec la-

tiis eas evagari finit, quam ipsa permittat ratio. Ponamus enim animum curis dejectum, torpidum & tantum non langvidum esse, superveniatque Musicus, qui fidibus scienter canat, jamque argutos elicere sonos, parum equidem illis initio commovebiantur, sed brevis mora est, cum ejaculati toni aures vellicare incipiunt, nec nobis amplius temperare possimus, quin ad sonos, qui blande & multis modis nos adficiunt, magis magisque attendamus; quo facto, Musica partem quandam curarum, quibus distinemur, ad se velut trahit; unde liberius spirare incipimus, membra corporis mensuram tonorum (taetern) apte imitantur, quo motu sanguinis circulatio promovetur, unde porro tristes explicantur rugae, ægritudo dissipatur, atque ingenua succedit alacritas (a). Ponamus rursus, affectus esse exæstuantes, adeo ut, quibus obsequii gloria relicta est, frene mordere incipient, atque in hoc turbine Musica loquatur, sgravissimus profecto ejus sonus ita animum sensim adficiet, ut causas vehementer deinde obli-

(a) Quare CICERO *Liber. II. de Legibus*: Adsentior Platonis, nihil tam facile in animos teneros atque molles influere, quam varios canendi sonos. Quorum vix dici potest, quanta sit vis in utramque partem. Namque & incitat languentes & languefacit excitatos & tum remittit animos, tum contrahit &c. Cui accedit Hieronym. PHALETUS Sanomensi:

Musica surbat animas, aegrumque dolorem

Sola levat, merito Divumque hominumque voluptas,

Qua sine nil jucundum animis, nec amabile quidquam.

viscamur & cogitationes, prioribus oppositas, sed in quibus delicias nostras ponimus, jam concipiamus. Atque hoc modo fluctus subsidunt & jucunda rursus agimus halcyonia. Paucis: Musica animos hominum mire demulcet, atque tonos aut congregando aut dissipando aut compescendo aut erogando efficit, ut ineffabili ferme modo occupemur, super grata conspiremus, adversus nociva & vitirosa roboremur, nec non ad id, quod honestum, quod liberale, quod utile & jucundum sit, valde excitemur. Sicut autem non quivis fidicen est Orpheus; ita nec quilibet concentus eximios hos effectus producere valet; quo tamen ipso de præstantia exquisitæ Musicæ nihil plane decedit.

§. VII.

Docet porro experientia, quod Musica varias mitiget molestias, quæ laboribus præfertim durioribus adhærent. Quoties enim talia tractantur negotia, quæ strepentibus atque crepantibus peraguntur instrumentis, toties mirum in modum facilitari solent molestiæ, si ille ipse strepitus atque crepitus ad certum exigatur numerum. Sic fabri, dura cudentes ferra, minorem sentiunt laborem, si ita incudem feriant, ut mallei majores atque minores concentum quandam harmonicum efficiant. Pari modo qui vel remigiis agendis vel tribulis vibrandis incumbunt, multo leviorem experiuntur molestiam, si idem obseruent artificium. Nihil vero plus confert ad minuendas omnis generis molestias, quam can-

cantus, quare eum omni laborum generi adhibere solent homines (a).

§. VIII.

Quantum Supremo rerum omnium Moderatori animum gratissimum probaturi per idoneos adjuvemur affectus, antea monimus, quare cum Musica ad hos excitandos haud parum conferat, manifesto sequitur, quod hæc in exercitio pietatis magno nobis fit adminiculo (*). Meliora tamen sapimus, quam ut positivum pietatis affectum & aptitudinem DEUM rite colendi a Musica deriveamus; probe gnari facultatem istam a sublimiori causa esse deducendam. Promovet tamen Musica devotas cogitationes, quatenus earum impedimenta removet. Hæc vero duo sunt torpor nimius & fervor nimius, quorum illum incitando extimulat, hunc refutando torpefacit, donec animus in aptum devinit statum, quo & lux veritatis facilius in fundum ejus illabi queat & fax veritatis felicius accendi. Plura de usu Musices in sacris afferre nolumus, ne falcem in alienam mittamus messem.

§. IX.

Hoc autem loco non est prætereundum, quod Musicæ tantum pretium veteres statuerint Philosophi, ut non solum inter artes liberales ipsam re-

(a) Quare OVIDIUS Trist. Libr. IV. El. 1.

*Hoc est, cur cantus vinclus quoque compede fessor,
Indocili numero cum grave mollit opus.*

(*) Vid. B. CHRYSOSTOMUM in Psalm. XLI.

tulerint, sed & instar disciplinæ præparatoriæ, qua ferocitas naturalis mitigari posset, illam habuerint. Quare PYTHAGORAS, cum elegantiam macrocosmi numeris quibusdam harmonicis constare experientia se compriisse crederet, inde collegit, motus & actiones microcosmi ad Musices tenorem esse dirigendas. Discipulos igitur, rudes admodum ad convenientes instituturus, a Musica docendi initium fecit, cantusque & Rhythmos, quibus mores & affectus emendantur, atque harmoniæ facultatum animæ ad ordinem primigenium, ut loqui svevit, revocarentur, excogitavit. Immo ipsos, meditationibus diurnis fessos, cum lectum peterent, Musica recreavit, eosdemque mane surgentes cum atten-tiores in præceptis suis percipiendis tum alacriores ad pensa sua rite absolvenda svavi excitabat Musica(*). Denique cum Veterum facta sit mentio, non omnino reticendum, quod tibiarum usum plerumque rejecerint; propterea quod ad mores formandos minus pertineret, sed animum potius ad iram accenderet. Quocirca etiam fabulati sunt, Minervam tibias rejecisse, tum quod os deformatent, tum quod earum usus ad intelligentiam & mentem nihil conferret(b). Rechte ne an secus judi-

(a) Vid. JAMBЛИCHUM *in vita PYTHAGORÆ* Cap. X.
cit. a STANLEJO p. m. 737; nec non QUINTILIAN. in
Instit. Orat. IX. 4. p. 556. (b) Vid. PFEIFFERI *Antiquit.*
Graec. p. m. 438, & LAMBECIUM *in Prodrromo Hisp. Lit.*
scr. p. m. 209.

judicaverint veteres, aliis, qui artis hujus me petitiores sunt, discutiendum relinquo.

§. X.

Ne quis autem sibi persuadeat, speciosas magis quam solidas esse rationes, quas pro vindicando Musices usu Morali hactenus attulimus, juvat ex Historia paucis ostendere, quantum Musica ad mortum qualitatem conducat. Inter antiquissima autem exempla, quæ proponunt annales, illud est habendum, quod de SAULO legimus. Cum enim Princeps hic præcepta Divina sæpius violasset, hac multatus est pœna, ut malus ipsum vexaverit genius, atque vehementi ægritudine pæne fuerit confectus. Malo huic medelam quandam allaturi amici ejus, nullam Musica convenientiorem inveniunt. Nec spes ipsos fecellit; siquidem David suavi modulamine curarum & dolorum molem, qua premebatur Saulus, ita levavit, ut tam ad se, quam ad meliorem frugem plerumque rediret (*a*). Pari modo ACHILLES, fortissimus ille, sed simul ferventissimus Græciæ Princeps, animi iraeundiam, qua sæpe excanduit, temperatus, sola se harmonia compescuisse legitur (*b*). Similiter de CLINIA Pythagoræo, moribus vitaque ab aliis diverso, referunt Scriptores (*c*), quod si contingenteret, eum

(*a*) Vid. 1 Sam. XVI: 23. Monet igitur CELSUS Libr. III. Cap. 18. Symphonias ad insaniam levandam & discutendas tristes cogitationes plurimum professe. (*b*) Vid. TEXTORIS Theatrum Pbil. p. m. 408. (*c*) Vid. AELIANI Var. Hisp. Libr. XIV. Cap. 23.

cum ira commoveri, fidibus cecinerit, antequam totus eo affectu corriperetur. Cumque quare id faceret? interrogabatur, respondit, se ita mitescere. Quomodo Taurominitanus quidam juvenis Phrygio modulamine vehementer exarserit, & quomodo alius concentus nimium ardorem ejus restinxerit, notissima est fabula (d). Testantur insuper monumenta, quod certo Musices genere quidam ita exasperati fuerint, ut Circæis velut poculis turbidi omnem ferme exuerint rationem. Sic ALEXANDRUM, quem eventuum suorum grandia Magnum reliquerunt nobis, nec non Daniæ Regem ERICUM, cui animi facilitas & imperii felicitas Boni (EYEGOD) cognomen pepererunt, testudinum suarum concitato sono ita effesarunt Musici, ut furibundi quosdam familiaritate secum conjunctos immaniter obtruncasse dicantur (e). Spondere certe non ausim, nihil hyperbolici in his latere narratiunculis; verum tamen est, quod dum peritissimi Musici modo mollierter psallunt, modo rursum argute & celeriter citharam pulsant, contrariis his atque iterum iterumque variatis modis adfectus oppositi perquam librentur; qua mutatione homines attenti ita fatigantur, ut eo sese tandem abripi patientur, quo Musica vel dulcedine sua vel vehementia eos abducit (f).

§. XI.

(d) Vid. STANLEJI *Libr. cit.* p. 739. (e) Vid. SAXON. GRAMMAT. *Libr. XII.* p. m. 226. (f) Confr. omnino *Observations Curieuses sur toutes les parties de la Physique Tom. III.* p. m. 270.

§. XI.

Cum ad felicitatem civitatis nihil æque conseruat, quam si cives bene fuerint morati; omnes ferme Legislatores in eo industriam suam collocarunt, ut morum culturam inter cives promoverent, optimæ censentes adminicula, quæ huic fini obtinendo inservirent. Cumque Musica in re tanti momenti haud exiguum præstet usum, ceu affatim vidimus, disciplinam quoque istam civitate donarunt; ut populi sic haberent, quo mitescerent & ad humanitatem invitarentur (a). Quid? Quod PLATO arctum adeo inter constitutionem reipublicæ & formam Musicæ intercedere vinculum statuerit, ut hæc mutari non posset, quin hinc augurari liceret, illam quoq; suas subiisse vices (b). In quo nec alii veterum ab ipso dissenserunt (c). Quamobrem AMPHION, si Poëtis fidem habeamus, fgravissimo concentu, cujus peritissimus fuit, Thebanos ad societatis invitavit de-

C licias

(a) Vid. de MONTESQUIEU *l'Esprit des Loix* Tom. I. p. m. 68. Fuerunt tamen antiquissimis temporibus nonnulli, qui Musicam, ceu disciplinam perniciosem, quippe quæ hominum emolliret animos, rejecerunt; sicut de *Ægyptiis* perhibet DODOR. SICUL. Bibl. Hist. Lib. I. Cap. LXXXI. PHILIPPUS quoque, Macedonum Rex, ALEXANDRUM, in convivio scienter canentem, graviter his verbis reprehendit: *Nonne Te pudebat, tam bene canere?* Vid. PLUTARCH. *in vita Perictis*. De antiquis autem Gothis constat, quod Musicam, præcipue vero cantilenas, quæ Heroum laudes continebant, impense amaverint, citharoedos vero, aliosque Musicos ceteris hominibus longe viliores censuerint, vid. *Wieg. L. Drāpm. B. C. 7.* (b) *Lib. IV. de legibus.* (c) Vid. PFEIFFERI *Libr. cit. p. m. 436.*

licias & a feritate ad placidos deduxit mores (*d*). Plurimum vero ad rhombum in præsenti facit negotio, quod Musica, ut docet acutissimus POLYBIUS, necessaria fuerit in asperitate morum Arcadum, qui regionem, sive cælum solum spectemus, valde duram habitarunt, mitiganda: in robur sententiae suæ adjiciens, quod cives Urbis Cynetæ, qui Musicam penitus neglexerant, ceteros Grajos immanitate superaverint, & quod nulla ferme civitas reperiatur, quæ tot tamque horrendis scatuerit vitiis, quam hæc ipsa (*e*).

§. XII.

Quamvis vero Musicæ tanta sit vis, ut hujus lenociniis non solum homines, verum etiam bruta quædam animantia (*a*) admodum capiantur; docet tamen experientia, quod in singulas nationes parem influxum non habeant modulamina, sed quosdam populos vehementer adficiant, aliis faveloquia hæc parum curantibus & tantum non fastidientibus. Ponamus Italum scenæ interesse; videbimus, quomodo partim Musices dulcedine, partim personarum gestibus adeo commoveatur, ut adfectus ita excitati, & vel gaudium vel tristitiam indicantes, modum fere excedant. Si autem hi Musici, Comœdi atque Mimæ artium suarum elegantiam maxima, qua fieri possit, industria in septentrionalibus oris ostentent; quidam nostrum, qui, exquisitum scilicet guttum

(*d*) Cfr. HORAT. *in arte Poët.* p. 394. seq. (*e*) Vid. MONTESQUIEU lib. & Tom. cit. p. 68, 69. (*a*) Vid. JOBI XXXIX: 28. Cui adde *Observations Curieuses* Sc. Tom. III. p. m. 275, 276.

rum probaturi, molliiem gentium meridionalium imitantur, lusibus his se adeo commotos simulabunt, ut se ipsos vix comprehendant: alii sonorum suavitate & gestuum aptitudine commovebuntur quidem, sed ita tamen, ut justam dignitatem atq; constantiam semper retineant; ceteri denique his artibus vix magis adficiuntur, quam veteres Galli, qui cum illis, Roma occupata, statua Bubulci assahre admodum elaborata non sine ingenti admiratione monstrabatur, & ipsorum poscebatur sententia, frigide responderunt: *Nihil hanc curamus, ne quidem si ubulus vivus nobis donaretur.* Causa vero tam diverorum effectuum, tristudii scilicet unius & tranquillitatis alterius procul dubio ex diversa corporum constitutione, & haec rursus ex varia cali solique natalis indole est petenda. Sicut enim Italus laxa gaudet corporis compage, ita levissimis quoque motibus adficitur, dum nos contra firmis ac robustis corporibus praediti, levioribus mutationibus, quas blanda producit Musica, minus commovemur, nec ad quamlibet cantilenam profunde ingemiscimus (b). Veram autem hanc esse causam phænomenorum modo memoratorum vel eorum probant exempla, qui dum integra fruuntur valetudine, Musica placide commoventur, morbis vero debiles facti hac arte ita adficiuntur, ut membra tremores chordarum soniferarum imitari ferme videantur.

§. XIII.

Ante vero quam dissertationi huic finem imponimus, sententiam nostram de ardua illa questione: an Veterum Musica animis movendis aptior fuerit, quam recentior? paucis expomemus. Sicut plerique antiquis indulgenter nimis favent, ita etiam hos solos nobilis atque gravis Musicæ magistros fuisse, iterum iterumque crepare solent. Ubi nunc, inquit, Asclepiades, qui seditiones cantu inhibuit? Ubi Da-

mon

(b) Vid. de MONTESQUIEU Lib. cit. Tom. II. p. m. 68.

mon; qui petulantiam juventutis modorum gravitate perdonat? Ubi Thales Cretensis, qui organica svavitate morbos & pestilentiam fugavit? At noster, pergunta, & cantus & canticus insidias quasdam auribus facit, quas demulces, nec aegritum valde capit. Vera ne, an facta quadam sint, quae de antiquis Musicis magnifice nonnulli praedicant, jam non disquirimus. Enimvero cum Veterum musica temporum injuria pridem perierint, nec artis illius specimen quoddam amplius supersit, veterum merita in hanc disciplinam cum recentiorum conferri nequeunt, nec proinde discerni potest, quibus palma solertia sit tribuenda. Laudatur veterum Musica, & forte non immerito, ob simplicitatem & masculam indolem; verum cum theoria Musices multo magis jam sit exculta, quam olim, nullam subesse rationem video, quin Musicae suæ parem addere gravitatem recentiores queant. Immo quod addiderint, satis superque probant egregia CARELLI, GEMINIANI, CALDARÆ, MARCELLONIS, BONONCINI, HANDELLI, aliorumque opera. Nec tamen dissimulandum, quod multi nunc Musici non id agant, ut animos auditorum capiant, flexantque, quam potius, ut Musica eorum subtilitate sua, quam oppido pauci adsequuntur, teretibus tantum probetur auribus. Optandum denique foret, ne in nostra quadraret tempora, quod Musicis objicit gravissimus quidam Aucto: Il n'est plus question de l'expression, de la grace, de l'énergie & de la dignité de la Musique. On ne va plus en admirer la composition, mais seulement les gentillesse de celui qui l'execute. Pourvû qu'il ait un gosier extraordinaire, ou un légéreté & une vitesse singulières dans la main, il est assuré des suffrages de notre ignorante approbation (a) Sed Claudite jam rivos, pueri, sat prata biberunt (b).

(a) Vid, Les Mœurs Angloises par Mr. BROWN p. m. 36.

(b) VIRGIL. Ecl. III, v. III.

